

欽定平定教匪紀略

欽定平定教匪紀畧卷二十六

十二月十四日 訂章煦奏言查省南大名府屬

元城大名南樂清豐四縣本年被旱歉收又緊

接開東長被賊處所軍興以來百物昂貴市糧

稀少貧民乏食困苦與開東長情形無異相應

仰懇

聖恩俯准將該四縣無地無業貧民及鰥寡孤獨等

戶於歲內補行

賞給兩月口糧先儘本色動放酌量搭放折色以資

接濟

同日同興奏言竊臣節奉

諭旨飭拏逸犯均卽密飭地方委員分投偵緝據署

東昌府知府同知章埏會同臨清州訪獲州民

陳祥傳習大書會圓頓教據供漢中府城固縣

捐職千總陳文清係屬教主聞此教係京城西
便門居住之高八崗所傳本州人同教張有德
從前曾接過陳文清至家當在該犯家內搜獲
小黃荷包黃白綾符香藥等件並將張有德孥
獲訊供相符查陳祥所稱之京城高姓顯係高
張氏家且據供係漢中府城固縣人陳文清傳
教而高張氏係漢中府西鄉縣人陳恒義所傳

必係同派教黨當經飛咨陝西撫臣嚴拏一面
將陳祥張有德及現據德州等處拏獲之常士
孝崔庭宣宋玉林周添喜等各逆犯一併解部
收審再黃四一犯在景州拏獲已咨明直隸就
近解部謹將陳祥張有德供詞繕錄呈

覽奏入

上命軍機大臣傳諭朱勲曰昨據朱勲奏陝西岐山

縣三才峽小王澗有匪徒持械掠食該撫已派令
總兵吳廷剛等帶兵前往剿捕該撫並親往查辦
朱勲到彼該匪等具呈稟訴後是否多有解散抑
或聞拏抗拒著速將情形據實具奏至前次飭令
該撫查拏之漢中西鄉城固等處傳教匪徒陳恒
義陳美玉陳金聲等三犯本日又據同興奏東省
訪獲臨清州人陳祥傳習大書會圓頓教訊據供

稱此教京城西便門居住之高八崗傳給漢中府
城固縣雙鳳山陳美玉陳美玉故後伊第二子捐
職千總陳文清爲教首十六年陳文清曾到臨清
州傳教等語陳美玉一犯現據陳祥供明業經身
故其子陳文清係屬教首且係捐職千總自易訪
獲著該撫卽密飭派往之員確查住址按名拏獲
毋任漏網該撫現在籌辦岐山等處匪徒滋事之

案不可顧此失彼致令該犯等聞風免脫 經就
獲錄取要供迅速由驛具奏

上又命軍機大臣傳諭同興曰常士孝崔庭宣宋玉
林周添喜等均係現在飭緝要犯該撫於拏獲後
自應分起解京以便歸案質審至滑城現已攻克
昨那彥成等捷報到時因念同興辦理防堵出力
已降旨將該撫賞加太子少保銜以示優獎現在

金匱要略卷之二十一
滑城有無竄出餘匪同興當督率文武官弁於邊
界嚴密查緝勿稍疎懈俟零匪捕淨地方寧謐卽
可將防兵以次裁撤用節糜費

上又命軍機大臣傳諭胡克家曰昨據那彥成等奏
報滑城已於本月初十日攻克剿斃賊匪九千餘
人生擒二千餘人滑城旣克之後恐有零匪四散
逃竄胡克家現在潁亳一帶防堵如有賊匪竄近

該撫卽督率弁兵認真堵緝毋使一名漏網若察看邊界情形實已寧謐無須防守卽可撤兵歸伍以節糜費

上諭內閣曰章煦奏元城等四縣歉收村莊懇請撫卹等語直隸元城等四縣本年被旱歉收與開州等處接壤軍興以來物價昂貴市糧稀少窮黎餬口無資殊堪憫惻著加恩將元城大名南樂清豐

四縣無地無業貧民及鰥寡孤獨等戶賞給兩月口糧准其於撥運通米五萬石內先儘本色動放酌量搭放折色於賑餉銀兩內動支該署督卽督飭該地方官等於歲內核實散放毋任胥役人等冒混尅扣以期實惠及民

同日方受疇奏言臣接據探報初十日那彥成等攻克滑城臣踴躍歡欣莫能名狀滑濬一帶

賊氛肆擾三月小民驚怖遷移急需安輯且恐

有殘匪肆竄

臣

職任封圻自應親往料理現在

省城寧帖卽於十二日起程渡黃前往北岸延

津封邱一帶督率弁兵沿途截捕順赴滑縣將

城內外被難民人妥爲安撫並與那彥成將一

應善後事宜熟商辦理現在總兵呢瑪善駐兵

蘭陽南岸距省僅九十里

臣

一面移知該鎮來

省彈壓再滑縣匪徒滋事臣於軍興之始卽經

嚴飭該管道府並各州縣凡軍營所需草豆米

麵以及木料柴薪悉照時價購買雇用車騾亦

令照例發價不許絲毫派累現又密行訪查倘

有不肖官吏借端科派立即據實叅辦至南汝

一帶向有紅鬍子名色值此兵荒之際乘機搶

奪事所不免臣隨案懲辦其情節較重者如實

豐永城等邑呈報二案現在首犯就獲卽日審
擬完結地方安靜緣奉

飭查理合一併奏慰

聖廕

方受疇又奏言據代理衛輝府事通判李義文
在輝縣西山截拏逸匪王學詩等五十三名并
據防守十八盤山之都司汪鳳臨全保拏獲朱

光成等十三名均經解至衛郡據司道等督同
研審除僅止從賊助勢並未打仗殺人各犯應
行分別另辦外內有要犯王學詩王得才張元
祿張本義劉勇安等五名委員押解到省又據
投効委員王裘拏獲張泳安一名臣親提審訊
據王學詩供滑縣人拜高文爲師係兌官伯僞
封元帥張元祿供長垣縣人拜宋克俊爲師係

震宮伯僞封先鋒張本義供曹縣人向在朱成
貴手下王得才劉勇安同供滑縣人拜劉幅明
爲師均隨李文成等西竄司寨拒敵殺人張泳
安供扶溝縣人拜李天表爲師隨同拒敵經賊
目遣令至省探信詰以京城內外有無林清餘
黨均不知情又前獲司建魁一犯先經審明隨
同李文成抗拒官兵欲奔赴太行山落後被獲

該七犯入教謀逆罪不容誅臣於審明後卽恭請

王命分別凌遲斬梟再據各州縣會同營汛委員等先後報獲匪犯爲數衆多均經該管知府及司道研審除僅止被脅服役之人卽行保釋外其王成功等一百九名訊係從賊焚掠抗拒官兵均於審明後就地正法奏入報

聞

方受疇又奏言前因軍務需員查有丁憂服滿
起復之知縣陸楷傳鍾璩縣丞汪瑚告病在籍
之浙江縣丞裘璘於軍務道里情形素所熟悉
經臣分別派委團練鄉勇防守要隘均屬出力
可否仰懇

聖恩將知縣陸楷縣丞汪瑚留於河南遇有相當缺

出卽行請補知縣傅鍾瑒給咨赴部儘先選用
縣丞裘璘仍回浙江儘先補用之處出自

聖裁奏入

上從之

十二月十五日申賊那彥成高杞楊遇春奏言臣

等於本月初十日攻克滑城後查賊衆據守城

內民房因磚牆堅固火攻急切難克臣等當令

官兵嚴密圍堵一面將馬隊兵丁暫予休息至二更時仍令將領督率滿漢官兵分投進剿且焚且攻賊衆不能抵敵官兵益加奮勇有攀牆而登者有破門而入者賊猶拚命迎拒均被官兵殺斃間有奪出者亦被門外官兵盡數殲擒躲避樓房者悉皆搜戮維時四圍皆火被焚者均無出路至十一日辰刻查得據守民房之賊

尙有五六十處未經殲滅臣等復將在營得力官兵添派入城併力攻剿直至十二日午刻始將五六十處賊據之房盡行攻破官兵奮勇前進被賊衆鎗箭亂發多有傷亡賊首藏匿之處周圍起火烟焰直衝官兵冒烟突火趕入查拏時牛亮臣徐安輜二犯藏匿地窖之內經格布舍侍衛阿勒罕保率同吉林驍騎校龍柱健銳

營前鋒盛魁火器營藍翎長富通西安營千總
朱效先把總張福榮等將徐安輜拏獲其牛亮
臣一犯經固原遊擊李士林劉發恒率同把總
李廷棟外委馬騰蛟兵丁李朝貴苟成金何永
清馬雙薛居伏劉延清等拏獲該二犯帶傷俱
不甚重又生擒賊首王道瀍一犯并殲斃賊首
朱元成卽宋老占劉榮順馮相林等其餘各處

賊衆駢首就誅並無一名得脫統共約計殺斃
賊匪一萬七八千人燒斃七八千人生擒二千
餘人其牛亮臣徐安輞宋元成等犯屬男婦亦
已拏獲二千餘名口隨將宋元成首級令該犯
屬同現獲各犯分別辨認確鑿無疑查牛亮臣
僞封丞相旗上書寫林門大弟子字樣徐安輞
僞封大將軍宋元成僞封大元帥王道瀝僞封

吳廷剛帶兵亦能得力計此時長齡朱勲諒已
馳往督辦現將西安滿營官兵先令富僧德管
帶隨同高杞一路行走至潼關時高杞如探聞
解梁等處或有蠢動情事卽令富僧德一同赴
晉協力剿拏西安鎮標之兵亦令閆俊烈帶領
凱旋至南山情形楊遇春最爲熟悉所有蘭州
固原各營官兵於前項兵丁撤動之後亦卽分

起行走俾免擁擠臣密囑楊遇春押後行走如
郿縣匪徒辦理需時楊遇春即可督率剿辦現
已於陝甘將弁中擇其打仗勇往熟悉南山路
徑者挑出五六十員卽日令其先行一面札致
長齡朱勲收用派撥至托津奉

旨回京所有直隸邊界臣酌派馬瑜帶領提標官兵
仍駐開州並令富蘭徐錕音登額等分帶官兵

由正定磁州彰德順德等處凱撤各處駐劄一

二日以彰聲威震懾邪黨臣仍劄營滑縣派出

文武員弁分赴各村莊傳諭耆老鄉保人等將

伏匿餘匪自行縛獻或指引官兵搜捕山西防

兵已飭張績撤回歸伍其江南山東防兵亦飛

咨百齡同興等自行酌撤至河南撫標等處官

兵數日內亦卽撤回臣暫留吉林索倫甘肅各

營兵丁隨後凱撤至臣應於何時進京復

命之處候

旨遵行

同日銜齡奏言據長治縣知縣張祖騫盤獲山

東滋事匪犯蔡克甲一名親提鞠訊據供山東

曹縣人充本縣散役有族叔快役蔡新旺引進

拜蔡景元爲師是乾字卦內人本年九月內隨

同蔡景元等殺進縣署戮死一人旋即跟出北
門先到馬家集後到魏家灣聽說官兵來害怕
逃走到山西被獲等供並據該縣開查曹縣據
覆拏獲頭目李克順供稱九月初十日進城戕
官刦獄有蔡克甲在內等語其爲此案正犯無
疑蔡克甲應依律凌遲處死臣復錄供飛咨山
東俟同興查明咨覆到日再行辦理均奏入

上諭內閣曰那彥成等奏剿捕滑城賊衆盡數殄滅
生擒逆首牛亮臣徐安幘王道瀝殲斃逆首宋元
成劉榮順馮相林等犯軍務告竣一摺覽奏欣慰
滑城經官兵攻破後逆首等潛伏民房抵死抗拒
經那彥成等督率官兵冒矢烟火各處搜擒逆首
牛亮臣徐安幘等俱按名俘獲共約殺賊一萬七
八千人燒斃七八千人生擒二千餘人投出難民

老少男婦二萬餘人此皆仰蒙

昊蒼

祖

考恩祐自簡師申討以來未及十旬克城之日兇渠全
獲餘孽蕩除辦理實屬完善所有此次拏獲首逆
徐安輞之副都統格布舍著加恩在御前侍衛上
行走並賞給騎都尉世職頭等侍衛阿勒罕保著

賞給副都統銜吉林驍騎校龍柱著陞補防禦健
銳營前鋒盛魁著陞補前鋒校火器營藍翎長富
通著陞補護軍校千總朱效先著陞補守備把總
張福榮著陞補千總其拏獲牛亮臣之遊擊李士
林劉發恒俱著陞補叅將把總李廷棟著陞補千
總外委馬騰蛟著拔補把總兵丁李朝貴苟成金
何永清馬雙薛居伏劉延清俱著拔補外委其前

此攻城時首先登城超衆出力之官兵等並著那
彥成查明保奏再降恩旨

上又諭內閣曰直隸開州一帶前此尙有竄匿零匪
經托津馬瑜督率官兵上緊搜捕節次擒縛九百
餘人並將教首劉第五梁健忠二犯拏獲解京辦
理頗爲認真托津馬瑜俱著交部照軍功例議敘
上命軍機大臣傳諭那彥成曰那彥成等奏剿捕滑

城賊衆盡數殄滅生擒賊首牛亮臣徐安幘王道
漉殲斃宋元成劉榮順馮相林等一摺覽奏欣慰
已明降諭旨將格布舍等優加恩獎矣那彥成等
此次克復滑城將首逆按名生擒餘黨無一竄出
辦理實屬完善現交廣厚慶祥管帶京營官兵先
行押解牛亮臣徐安幘二犯來京所辦甚是至陝
省饑民滋事一節昨正降旨令高杞率同富僧德

等帶領西安滿兵並酌帶陝甘官兵迅速前往交
長齡剿辦今那彥成得信之後適已先派富僧德
隨同高杞至潼關探聽消息并將西安鎮標及蘭
州固原各官兵次第撤動密囑楊遇春押後行走
甚合機宜至山西大同官兵本非勁旅此時毋庸
派往陝西著卽令張績等帶領歸伍惟據稱直隸
邊界除令馬瑜提標官兵仍駐開州外其餘官兵

令富蘭等俱分帶凱撤此事畧早滑城破後直隸
山東一帶雖無竄逸之匪但附近各處人心未定
尙須重兵彈壓那彥成等稱各處並無伏匿蠢動
猶恐未必盡然仍當細查密訪不可大意切勿草
率必須慎重辦理所有直隸官兵祇可擇其不甚
得力者先行撤回十分之三歸補原營此外仍當
暫留在於邊境防守東省防兵亦不可全撤並知

會同興先酌撤一半俟搜捕淨盡再行全撤克城
之際民賊混淆殲斃賊匪一萬七八千人燒斃賊
匪七八千人豈無難民在內則投出難民二萬餘
人亦豈無賊匪在內此時不可濫殺一民亦不可
倖免一賊况賊匪詭譎異常現在著名未獲者尙
屬不少若不認真辦察縱令免脫如祇係裏脅餘
犯不過幸免伏法倘竟係著名兇悍之賊一經漏

網將來餘孽復萌關係實非淺鮮那彥成不可憚
煩先將生擒賊匪二千名逐一審出名姓住址並
將殲斃賊屍詳加驗認查點飭拏之賊目何人在
內何人未獲其難民二萬餘衆該督多派精細之
員逐名查訊實無賊匪混跡其中再行釋放寧家
其滑縣城內菴觀寺院偏僻處所並地窖枯井均
逐細搜查此內賊匪藏匿者固多恐良民亦所不

免惟在詳細分別勿令玉石混淆前令軍機處將
查拏人犯清單發去又續由犯供內查出應行緝
拏各犯開單寄往著那彥成一併按名核對分晰
註明開單覆奏其馮克善家屬續據供出現在滑
城係例應緣坐之犯緝獲按律辦理唐鬍子一犯
已否拏獲訊明錄供具奏並知照衡齡令其停緝
此外如侯兆川一帶山內速派人前往搜查淨盡

勿令藏奸那彥成此次承辦軍務嚴功捷速諸凡
妥善此時善後事宜最關緊要不可稍有草率該
督總遵照前旨留彼駐紮緝匪俟滑城附近地方
悉臻寧謐再移營大名以次順赴山東鄆城東昌
德州景州故城一帶查看各處情形均可放心再
奏明候旨回京復命切勿以年節已近亟思來京
瞻仰若來而又往兵弁撤而又調成何事體

上又命軍機大臣傳諭同興曰本日衡齡奏拏獲曹縣叛匪蔡克甲據供曾充曹縣衙門散役聽從伊族叔快役蔡新旺引進拜蔡景元爲師收在乾字卦下九月初十日隨同入城搶刦殺人事後脫逃行至山西被獲著同興詳查曹縣戕官案犯內蔡景元蔡新旺二犯曾否拏獲正法如在逃未獲卽嚴飭查拏究辦勿任漏網

上又命軍機大臣傳諭衡齡曰唐鬍子一犯昨據馮克善供稱尙在滑城業已降旨諭知那彥成等就近查緝尙未據拏獲覆奏恐馮克善代伊師開脫該撫派往解梁員弁如已緝獲唐英仍著向其跟究唐鬍子下落俟那彥成知照拏獲再行停緝是日

上諭內閣曰嗣後王貝勒等屬下屯居包衣人丁著

該地方官一體編入保甲就近管束其八旗宗室在京外附近居住者著該州縣官一體編查如有違犯法令情事詳明該上司移咨在京該管衙門查辦

十二月十六日配那彥成楊遇春奏言竊臣等將剿滅滑城賊衆殲擒賊首緣由續經馳奏後當經提出牛亮臣徐安輞二犯逐加嚴訊據牛

亮臣供滑縣本城人年五十三歲父母已故兄
第三人弟牛相臣牛剛臣兩子長牛文成次牛
林成一女未字妻王氏我原充本縣庫書嘉慶
十一年因虧用官項逃往保定在唐家衚衕馬
家店內當夥計十二月內林清因犯案到省也
在店內住歇我與他談及教內的事林清說他
的教是京南人顧文升傳授從前山東曹縣人

劉林是先天祖師林清是劉林轉世爲後天祖
師這教本名三陽教分青紅白三色名目又名
龍華會因分八卦又名八卦會後又改名天理
會每日朝拜太陽念誦經語可免刀兵水火之
厄如遇荒亂並可圖謀大事我聽信了就拜林
清爲師十三年正月林清案結我隨到他家住
了幾日薦我與宋村附近蘇光成家教書至十

五年二月回家探望仍幫辦庫書十七年七月
林清到道口孔繼太店內有同教李文成馮學
禮于克敬卽于第七馮克善來見林清均各信
服林清去後李文成于克敬朱元成劉成章秦
學會們都到京中與林清送過銀兩本年八月
林清又來道口向李文成說該明道了約定九
月十五日起手鬧事他在京中同日接應林清

去後李文成傳知同教衆人打造刀鎗被老岸
司劉巡檢查出告知強縣主就將李文成史泳
山並我兄弟父子全行拏訊並將李文成兩腿
夾打監禁朱元成于克敬馮學禮們恐李文成
性命不保就改期於九月初七日戕官佔城十
月二十八日官兵破了道口殺傷甚多李文成
害怕叫劉輜明朱克俊們保護奔逃我同徐安

卷二十一
三
幙宋元成拒守縣城原指望劉幙明們救應後
來纔知他們俱被官兵剿滅所有教內大頭目
宋元成徐安幙壽光德馮相林王道瀝尹振劉
宗順趙得一朱成貴並小頭目們均已淨盡此
外再無別人等語據徐安幙供長垣縣祁寨人
家有母親弟兄三人兄徐占幙弟徐定幙我習
的兌卦教是同鄉人韓義書傳授卦主先是山

東定陶人崔士俊後被山東拏去纔是滑縣人
劉輞明爲兌卦主我是卦伯常在山東曹縣一
帶傳教九月初頭聽得劉輞明們在滑縣起手
我就從曹縣糾人來滑縣投李文成入夥先在
道口屯紮拒敵官兵道口破後纔進滑城拒守
等語查牛亮臣帶傷之處尙不甚重現在加緊
醫治卽可就痊徐安輞受傷較重言語模糊取

供不能詳細該二逆係解京要犯未便久留推
鞠茲派委候補知府鍾祿周光緒總兵海麟隨
同廣厚等將該二犯押解赴部並繕簡明供單

恭呈

御覽至初十十一十二等日生擒賊匪過多急切尙
難審辦完結連日又於偏僻處所及地窖之內
搜出五百數十人一併審辦查教匪中偽稱天

地人三王及八卦宮王之大頭目內僞天王首
逆李文成僞地王子克敬僞人王馮學禮均已
殲斃又兌宮王劉惻明震宮王宋克俊卽宋老
秀吳官王王修智均經殲斃外茲查艮宮王劉
宗順坤宮王馮相林坎宮王尹振乾宮王壽光
德亦已殲斃又生擒離宮王王道瀝已經正法
是僞稱三王八宮王之類均已盡數剿滅不漏

一名又僞丞相牛亮臣僞大將軍徐安輞現在
生擒解京僞大元帥宋元成卽宋老占亦已殲
戮無遺其餘小頭目如官伯之類實繁有徒除
殲斃燒斃外所有生擒各犯審明者實在不可
勝數軍營現在號令首級已有一萬五六千顆
統俟彙查辦理再_臣等欽奉

諭旨飭拏馮克善之師唐鬍子一犯當經拏獲到案

據唐鬍子卽唐恒樂供滑縣朱兆村人年六十
二歲從未入教平日學過拳棒馮克善係我徒
弟牛亮臣曾經認識却未來往九月初七日牛
亮臣鬧事時我躲避本村並未從賊向來從未
到過山西不知朱鹽霜朱大桃何等人也無知
會馮克善向解梁地方找我之事等供查牛亮
臣業已起解該犯拏獲在後未便追回對質已

派員押赴前途卽交廣厚慶祥等一併解京交
刑部收審再高杞已於十三日起程赴晉臣等
當將已獲唐鬍子緣由飛札知會所有高杞帶
領山西官兵似可卽由原路歸營免致地方驚
擾

那彥成等又奏言臣等欽奉

諭旨飭查滑縣教官呂秉鈞降賊一節查初十日克

城後有城內逃出生員魏兆麟魏秉辛民人李
秉承趙祁等當卽向其訊問據魏兆麟等會供
涓縣教諭呂秉鈞九月初七日被教匪擁入學
署呂教諭當時懷印投井經門斗撈救未死胎
膊跌折我等俱曾親見賊衆隨又將呂教諭殺
死棄屍牆外其妻及一媳兩女兩孫同親戚僕
婦人等十七口俱被戕害因教匪揚言誰去埋

屍一併殺死是以我等不敢掩埋呂教諭之子
拔貢呂式淦因鄉試後回籍未通信息等情是
教諭呂秉鈞並無從賊情事且能捐軀盡節一
門被難可否仰懇

皇上天恩飭部議卹又據衛輝府稟稱查得滑縣教
匪滋事先經老岸司巡檢劉斌風聞該匪期約
卽帶印赴縣稟明知縣強克捷始將李文成拏

獲刑訊收禁迨知縣強克捷全家被害之後其
巡檢劉斌及典史陳寶勲把總戚明彰等亦皆
全家被害等情臣等查該逆等原約九月十五
日起事因巡檢劉斌聞信稟縣拏獲破案賊夥
始倉猝改期彼時濬縣等處皆得聞信預備防
堵無虞後李文成因受傷不能遠颺旋經殲斃
強克捷之所以能拏獲李文成刑訊者皆該巡

檢稟報之力是該巡檢劉斌功不可泯且其捐
軀盡節全家被害亦與強克捷相同又典史陳
寶勲把總戚明彰二員亦俱全家被害極爲慘
烈應請

旨勅部分別給予卹典又查有該縣訓導趙心戒於
克城後自行投出據供年七十四歲九月內教
匪作亂時牛亮臣帶領多人入署搶掠逼我做

滑縣知縣我不肯從隨被趕出藥舖居住賊夥
十餘人輪流看守曾給過糧食數石我因受餓
不過無奈收食並不取得受僞封我年已老邁
何能代賊巡城鑄礮等供隨傳到城內生監耆
民逐加訊問趙心戒尙無受賊僞封情事惟身
任訓導遇變不能盡節且收受賊人糧食覲顏
無耻趙心戒一犯應擬斬立決臣於訊明後卽

行正法仍查明家口緣坐

同日章煦奏言竊臣審訊故城縣匪犯霍應方一案緣霍應方與堂兄霍應璧均籍隸滑縣霍應方移家故城居住霍應璧先入八卦教於十五年四月來至故城轉傳霍應方並村民吳振奎李忠等兼令各自傳徒霍應方先後誘令同村人吳振升等十一人並劉家押窩村人劉坤

爲徒李忠等亦各轉傳一二人不等十八年正月霍應方等同至滑縣探望霍應璧因至李文成家住歇迨四月八月霍應璧兩次向霍應方傳知李文成之語告以九月十五日起事約令糾人前往並傳知明號係奉天開道白旗暗號係得勝二字霍應方隨製造白旗分給吳振奎並伊子霍景表霍景現等十五人令其先往滑

縣自行隨後趕往維時該處村民聞知邪匪赴滑縣助逆恐其勾引前來焚掠紛紛遷避吳振奎等十五人行至臨清及南樂地方知有官兵堵截先後畏懼逃回吳振奎霍景表霍景現欲商同霍應方另糾夥黨前往適故城縣知縣徐寅第赴鄉相驗經該村生員周振聲民人王添章等三十餘人邀同鄉長盧士奇密首徐寅第

卽親詣該村拏獲霍應方孫政二名鄉長吳榮
自將伊子吳振升族姪吳振奎及霍景表霍景
現並其餘各犯一併獲送到縣訊據供認前情
不諱除劉坤傳徒宿元謨等此次並未同行另
案審辦外請將爲首造謀之霍應方吳振奎霍
景表霍景現四犯凌遲處死其同謀已行之李
忠吳振升張三韓奎張忠王二郝五吳三喜劉

東亮王大十犯均斬立決卽恭請

王命分別正法同監斃之孫大孫立春二犯一併梟
示各犯家屬按律緣坐其知情不首之孫政一
犯發往新疆給額魯特爲奴生員周振聲民人
王添章等分別獎賞鄉長吳榮免其緣坐鄉長
盧士奇免議其失察之故城縣知縣徐寅第孥
獲案犯並無遺漏可否免其議處恭候

諭旨再田克岐等散旗謀逆案內李盛元一犯現在
查明卽係李經之子李秋已飛提李經到省不
難一訊得實至李經一犯敢於監禁後潛肆逆
謀則李景幅等三犯誠如

諭旨斷難再留臣查李景幅收禁永平府監已於本
年三月內病斃題報在案其呂興旺收禁廣平
府監劉美奐收禁順德府監現在俱已監斃至

臣節次欽奉

諭旨並准刑部步軍統領等衙門緝拏各犯已據各州縣委員等先後拏獲五十餘名解京此外未獲之犯臣勒限嚴緝不任怠玩

章煦又奏言查本年直隸官兵剿捕賊匪經溫承惠

奏准每兵日給口糧銀一錢五分嗣經改支本色

糧米除出征赴豫官兵照例支給口糧鹽菜外
惟大名順德廣平三府留防官兵僅例支八合
三勺糧米該兵丁等各離本營千有餘里地方
荒歉食物昂貴情形拮据合無仰懇

聖恩准照軍需則例於支給本色口糧之外每名每
日給柴薪銀三分免其扣還至官弁跟役止給
口糧毋庸給予柴薪又災地草料昂貴其征防

官兵馬匹並懇

恩准於例給馬乾銀五分之外加給銀五分俾資餵養均奏入

上命軍機大臣傳諭那彥成楊遇春日唐鬍子一犯既經拏獲則山西解梁一帶自可保無煽惑情事此時高杞可以無庸帶兵前往高杞著卽來京復命至陝省山內匪徒如一時未能解散尙須兵力

著派富僧德管帶西安馬隊一千名並著那彥成
將在營之陝甘官兵查明數目酌分一半交該省
將領管帶迅速起程赴陝該督一面飛咨長齡朱
勲如山內匪徒尙須多兵剿辦卽經調富僧德等
帶兵直赴軍營如匪徒業已辦竣卽令富僧德等
各帶原兵歸伍現在豫省應辦善後事宜尙多楊
遇春應暫緩回陝且在豫多住旬日幫同那彥成

諸凡經理完善彼時如陝省山內匪徒長齡等未經辦竣自降旨令其赴陝會同長齡等剿辦如山內業已安靜楊遇春仍遵前旨同那彥成到京俟復命後再回本任至所奏十一十二等日生擒賊匪急切尙難審結連日又搜出五百餘人亦一併在彼審辦等語審辦賊匪最須詳慎寧多費時日不可草率卽如所稱將賊匪中僞稱天地人三王

及八卦宮王之大頭目均已盡數剿滅等語賊匪
中僞稱天地人三王者係林清李文成馮克善三
犯實在均已殲斃毫無疑義其牛亮臣徐安惲宋
元成三犯僞稱丞相大將軍大元帥亦俱切實查
明至於僞稱八宮王及八宮伯之類人數繁多且
往往獲犯訊問時彼此互異不可盡信那彥成等
仍當訊明本犯名姓并質之他人詳加核對或擒

或藏於辦畢時詳細開單具奏不可令其狡混仍
留餘孽再唐鬍子已獲其朱鹽霜卽朱大桃一犯
此間訊據馮克善供稱並無其人解梁已無可查
拏並著那彥成移知衡齡令其停緝

上又命軍機大臣傳諭長齡朱勲曰現在滑城業經
攻克逆賊首夥殲獲無遺軍務大局已定惟陝省
山內匪徒糾衆搶糧一案最關緊要前已降旨令

長齡卽速帶兵前往查辦並令富僧德等先將西
安馬隊並陝甘得勝勁兵撤回陝省交與長齡俾
資剿捕昨據那彥成奏到伊得信後已將陝甘應
撤官兵分隊凱撤著長齡等會同酌度若岐山匪
徒勢頗鴟張該督等卽行文富僧德將所帶之兵
飛調來營如不須多兵卽飭令各自歸伍該匪徒
等因乏食滋擾先祇聚有四五百人今已有一千

二百餘人長齡等當迅速辦理或曉諭解散或整
兵撲滅務將首逆殲擒餘衆自無難掃除一經辦
竣先由六百里奏聞以慰厯注再陝省潼關及西
鄉城固郿州等處節經訊出教匪王忠順陳恒義
陳文清陳金聲等犯在彼潛匿又五郎關劉添貴
等夥犯數人均未奏報拏獲著長齡等一面督飭
各委員嚴密查拏毋任一名漏網拏獲後長齡會

同朱勲逐案訊明錄供速奏

上又命軍機大臣傳諭章煦曰歷次飭令章煦查拏各犯除已獲解外餘如林清供出之劉呈祥等及田克岐供出散旗惑衆各犯又連日續據馮克善供出小頭目姜道學等二犯均關緊要著章煦仍嚴飭派出各員按照該犯等年貌住址迅速嚴密查拏務獲勿稍疎懈其於部案無涉者俱無庸解

京該署督審明後卽奏明按律辦理

上諭內閣曰據那彥成等奏滑縣教諭呂秉鈞等於
滑城被陷時均被賊匪將全家殺害等語教諭呂
秉鈞勵節捐軀一門殉難深堪憫惻巡檢劉斌於
逆首李文成未經起事之先訪問稟縣迅就擒獲
刑訊受傷旋經官兵殲斃厥功甚鉅且捐軀殉難
全家被戕尤爲可嘉可憫呂秉鈞劉斌均著加恩

照知縣例賜卹典史陳寶勲把總戚明彰亦全家被害均爲慘烈著加恩照原官給予卹典以勵臣節而慰忠魂

上又諭內閣曰章煦奏審明故城縣獲犯霍應方等入教傳徒糾人助逆一摺除已將霍應方等十六犯分別正法外餘俱照所擬完結其故城縣知縣徐寅第於士民首報後將首夥各犯卽行拏獲並

無漏網所有失察處分著加恩寬免

上又諭內閣曰章煦奏防堵後路兵丁請量給柴薪銀兩一摺此項留防兵丁著加恩准其自奉旨之日爲始每名每日支給柴薪銀三分照例免其扣還其應支馬乾銀兩並准其每匹每日支給銀一錢以資餵養其已撤兵丁不准混入開銷

上又諭內閣曰御史童槐奏軍務善後事宜各款所

奏俱是此次逆匪糾謀非止一省現在滑城攻克
首惡全除難保無二三餘匪潛投夥黨各該地方
官因軍務已竣或於巡緝事宜稍存疎懈著飭知
直隸河南山東山西江南安徽湖北盛京吉林將
軍督撫等各督所屬文武員弁於關津要隘處所
加意稽查毋令奸匪混跡並嚴示勸懲以勵巡防
其豫東兩省被賊之處先後投出難民數萬人轉

徙流離事後歸集資生無策著地方官妥爲安撫
將所有逆產絕產核實查明造冊報部以爲安插
無業難民之用其如何分別極次通籌生計該督
撫妥議章程具奏前次調派各路征兵之時吉林
黑龍江官兵沿途最爲安靜京兵亦尙約束嚴明
惟直隸綠營官兵軍紀頗不整肅現當凱撤之時
著傳諭各路帶兵官員務嚴申紀律倘有騷擾滋

事者查明立即治以軍法毋稍徇庇至軍需報銷
應嚴杜冒濫著該部即行知各該省以奉文之日
爲始均照例限題報如有遲逾按例叅處以杜延
混侵欺之弊再屢次軍營奏報賊目中竟有生員
及助教職銜者喪心蔑紀較齊民尤堪痛恨著那
彥成確實查明從重懲辦並將失察之學政教官
照例叅處

同日廣厚奏言臣於十二月十二日到營經那

彥成知會逆賊徐安欄牛亮臣均已生致遵於

會訊後卽同慶祥等帶兵管解進京查徐安欄

頭受磚傷一處稍重右乳旁矛傷一處右腿石

傷一處牛亮臣咽喉自抹傷一處稍重右臂鉛

子傷一處現已用藥敷治臣督同該省委員沿

途加意調治趕緊行走不致延緩奏入報

聞

同日百齡奏言竊臣遵照

指示情節將緒乾一犯覆加推鞠緣該犯前在廣濟寺充當知客彼時年輕身胖實有胖廣混名至西華門外大慶軒茶館從前在京多年曾經在彼歇坐數次是以門徑方向均能記憶前次飾詞妝點其實本年到黃村見林清後並未進城到

大慶軒茶館等語餘與前供悉同無可再質謹
遵

旨卽將該犯按律正法再連日據各委員等稟報拏
獲賊目侯文志一名訊係震卦教匪偽封平西
王曾經拒殺官兵又隨到睢工欲圖放火燒料
之犯又劉三卽劉貴一名訊係在曹縣戕官刼
獄之犯又王泳南一名訊係在金鄉葦子坑一

帶拒殺官兵之犯

臣

逐一審明卽恭請

王命按律凌遲處死至

臣

自到徐後督飭各文武員

弁懸賞購線嚴捕竄匪據報於山東金鄉曹單

等處及江境訪獲匪犯計有七十餘名俱經

臣

親自提審除將從賊殺人之苗占魁等三十餘

犯陸續正法外其餘各犯有僅止入教並未從

逆者現擬照例問遣咨部核結至並未從逆亦

未習教之犯偶乘教匪擾亂時搶奪財物類於
饑民爬搶者現在事主並無報案亦未起獲現
賊擬咨解山東確查辦理此外間有被誣誤報
之人均立予省釋奏入報

聞

同日西安將軍穆克登布奏言竊臣於本月初
六日准撫臣咨照岐山三才峽匪徒滋事情形

查撫臣所派鎮撫兩標兵丁祇四百名兵力尙
單臣等現又派令協領成瑞帶滿兵三百名趕
赴鎮撫兩標兵一路會剿又查撫臣現在盤屋
郿縣隘口團勇防堵其南山老林各處皆與峪
口相通關係緊要臣復派兵三百名交副都統
額勒金泰於初七日帶赴峪口堵禦臣穆克登
布在省城小心鎮守奏入

上批示

硃諭曰此三百名俟饑民定後卽行撤回爲是若稍
賜張行文催富僧德凱旋之兵速來西安滿兵守
城最要不可再派出征矣